



Universitätsbibliothek Paderborn

**Decisiones Practicæ Casuum Conscientiæ Selectorum In
Praxi, Et Foro Interno Quotidie Occurrentium,
Omnibusque, Præsertim Ecclesiasticis, Qui Sui, Et Aliorum
Curam Gerunt, Perutilium, Resolutorum**

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 1. An Judex Trusilam rectè ad mortem condemnaverit?

urn:nbn:de:hbz:466:1-41144

C A S U S XXIV.

De Judice, Sagis, & Confessario.

TRUSILA pluribus malevolis de maleficiis suspecta ad Judicem defertur, quæ, licet re vera innocens esset, idque privatim constaret Judici, cum tamen juxta multiplicatas denuntiationes allegata, & probata in foro externo rea inventa esset, tanquam Saga, morti adjudicatur, eique significatur, ut, accito Confessario, ad ultimam luctam post triduum subeundam se se disponat.

QUÆR. I. An Judex Trusilam rectè ad mortem condemnaverit?

QUÆR. II. An suspectus de maleficio à Judice damnari possit ad mortem propter multiplicatas Sagarum, seu infamium personarum denuntiationes, et si reus crimen confessus non sit?

QUÆR. III. An licet Judicibus volentibus maleficum torquere, efficere, ut ejus corpus abluitur, & pili totius corporis abradantur?

QUÆR. IV. Quomodo Confessarius se gerere debeat cum Sagis ultro ad S. Confessionem accendentibus, vel à Judice jam captis, & condemnatis.

147 Ad 1. Q. responsio pendet ex ea questione, an possit Judex ad mortem condemnare eum, quem privata scientia certò scit, esse innocentem, sed allegata, & probata nocentem probant? ubi sententiam negativam, tanquam probabiliorem alibi amplexi sumus.

Rationes pro, & contra videri possunt in casu 21.

Ad 2. Q. An reus de maleficio **148** à Judice damnari possit ad mortem propter multiplicatas personarum infamium denuntiationes, et si ipse reus crimen confessus non sit?

Respondent affirmativè complures cum Binsfeld. de Confess. malefic. memb. 2. Concl. 7. & Gomez 3. refol. c. 12. n. 18. Rationem dant; quia licet testimonium personæ infamis minus ponderis habeat, facit tamen indi-